



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1709. usque ad annum 1714

Fleury, Claude

August. Vind. [u.a.], 1782

VD18 90119266

§. 54. Pontificis sententia contra Siculæ Monarchiæ Ministros.

[urn:nbn:de:hbz:466:1-67615](https://nbn-resolving.org/urn:nbn:de:hbz:466:1-67615)

Sæc. XVIII. „subjecti monstratam ab eo viam feliciter ineant, novaque, ac splendida
A. C. 1714. „Romanæ Ecclesiæ adjiciant ornamenta. „

Integram hanc Pontificis orationem inserere constitui, ut de sincera clarissimi hujus Ducis conversione et luculento hoc testimonio fides augeatur, & Acatolici quidam, qui Neconversorum transitum plerumque conquisitis maculis contaminare solent, confundantur.

§. LIV.

Pontificis sententia contra Siculæ Monarchiæ Ministros.

*Vid. supra
 pag. 442.
 Bullarm.
 Magn.
 Clem. XI.
 pag. 303.*

Jam supra de gravissima contentione Papam inter & Siciliæ Proregem exorta ob Tedeschium Liparensem Episcopum dire vexatum, & Didacum Hurtado ejus Vicarium Generalem injuste detentum, mentionem fecimus: cum autem Papa vibratas a se censuras per Monarchiæ Siculæ Tribunal, quod sibi amplissimam potestatem in universam Ecclesiasticam jurisdictionem arrogabat, non modo eludi cerneret, sed insuper eidem Pontifici nuperrime nuntiatum esset, quod Siciliæ Prorex Josephum Migliaccium Messanensem Archiepiscopum, Franciscum Ramirez Agrigentinum,

num, & Andream Riggium Episcopus Sæc. XVIII.
 pupm Catanensem, intra viginti quatuor A. C. 1714.
 tuor horas ab Urbe, & infra triduum
 a toto Regno expelli jussisset, eoquod
 hi Sacræ Congregationis edictum die
 decima sexta Januarii ante biennium
 contra hujus Monarchiæ usurpationes
 emanatum in suis Diæcesibus promul-
 gassent, atque immunitatis Ecclesia-
 sticæ violatores anathemate irretitos de-
 clarassent, hinc Pontifex acerbiora reme-
 dia opponere constituit. Enimvero omnes
 hi tres Præsules cum armatam vim
 aliis armis repellere haud possent,
 aggressores excommunicatos palam de-
 clararunt, atque urbes, totamque Diæ-
 cesin, quisque suam interdicto Eccle-
 siastico supposuerunt: Hanc igitur causam
 summus Pontifex Cameræ Apo-
 stolicæ judicibus anni prioris die se-
 ptima Octobris, ut in violatæ im-
 munitatis Ecclesiasticæ reos judicii
 acta instruerent, commisit, eisque præ-
 cepit, ut auctoritate Pontificia una-
 omnes quovis modo hujus delicti com-
 plices excommunicatos, omnibusque
 & singulis censuris & pœnis in S. Ca-
 nonibus, Conciliis & Constitutionibus
 Apostolicis contentis innodatos, & a
 fidelium consortio segregatos declara-
 rent: quod etiam die vigesima tertia
 Januarii hoc anno factum. Cum au-
 tem

Sæc. XVIII. tem Franciscus Miranda Juris utrius-
A. C. 1714. que Doctor, qui se Judicem Tribunalis
 Monarchiæ Siculæ dicebat, censuras
 ab Episcopo Cataniensi pronuntiatas
 omnino nullas atque injustas, necnon
 Interdictum ab eodem Episcopo civi-
 tati & Diæcesi suæ appositum nullum
 pariter iniquumque declarasset, hinc
 Pontifex cuncta ab hoc Judice ejusque
 Delegatis gesta die vigesima tertia De-
 cembri anni prioris abolevit, & dam-
 navit, confirmatoque interdicto ceteris-
 que censuris ab Episcopo latis trans-
 gressores in censuras Sedi Apostolicæ
 reservatas incurrisse pronuntiavit.

Sub idem tempus Alphonfus Mer-
 corella Liparenfis Civis subdole dispen-
 sationem matrimonialem obtinuerat,
 re autem Romam delata, ac dispen-
 satione hac rejecta Didacus Hurtado Li-
 parensis Vicarius Generalis, ne matrimo-
 nium iniret, præfato Alphonso inhibuit,
 qui tamen eodem instigante a Joanne
 Baptista Gastaldo & Carolo Alconano,
 qui se Siculæ Monarchiæ Tribunalis
 Delegatos nominabant, urbe ac Diæ-
 cesi violenter expulsus fuit, ut vero
 læsæ immunitati consulere, vimque
 vi repelleret, ambos hosce Delegatos
 anathemati, & civitatem Diæcesinque
 interdicto subjecit. Inde nova utrius-
 que jurisdictionis collisio: mox enim
 Jofe.

Josephus Marotta Canonicus Panormi-
 tanus hujus Tribunalis Delegatus e-
 dictum Regium die prima Februarii
 promulgavit, quo Vicarii interdictum
 omnino irritatum, cunctisque Eccle-
 siasticis, ne ei pareant, præceptum
 est: insuper idem Delegatus Parochum
 Lipensem aliosque Ecclesiasticos, eo-
 quod Vicarii edictum promulgassent,
 & campanas funebri sono, dum Vica-
 rius expelleretur, pulsasse insimulati
 fuerint, in carceres detrudi jussit. Hæc
 quamprimum Pontifici innotuerant, e-
 dictum hoc, cunctaque alia a Siculis
 decreta die septima Septembris abroga-
 vit, reprobavitque, & Vicarii inter-
 dictum omnino servari jussit: insuper
 habito tamen hoc Pontificis mandato
 quidam Ecclesiastici falsis doctrinis alios
 ad interdicti violationem ob gravem
 metum inducere, atque hanc transgres-
 sionem, eoquod Pontifex ob pœnitent-
 iæ spem censuræ executionem distu-
 lisset, a Sede Apostolica approbari ja-
 ctitarunt. Eapropter Pontifex die sexta
 Novembris statuit, hoc Episcopi inter-
 dictum esse omnino sub pœnis S. Sedi
 reservatis observandum, sublata qua-
 cunque exemptione, ac rejecto omni
 metu vel cujusvis periculi obtentu.
 Nec tamen hæc pœnarum severitas Si-
 culi Tribunalis Ministros cohibuit, quo-
 minus

Sæc. XVIII.
 A. C. 1714.

Sæc. XVIII. minus per publicum edictum omnes
 A. C. 1714. litteras Apostolicas, decreta, & man-
 data, nisi Regium accedat *Placet*, esse
 nulla declararent, eorumque executionem præpedirent.

§. LV.

*Monarchiæ Siculæ Tribunal a Papa
 abrogatum.*

*Bullar. magn. Const.
 Clem. XI.
 pag. 148.*

Equidem Pontifex contra ejusmodi
 edicta die vigesima nona Novembris & undecima Januarii reclamavit, cum autem Siculos minis hisce nullatenus terri animadverteret, acerbiora, invitus licet remedia adhibere statuit, ac præprimis die septima Decembris habito Purpuratorum Senatu suum ea, quæ Pastoralis officii ratio contra contumaces postulare videbatur, exequendi consilium aperuit, eos his alloquens verbis:

Venerabiles Fratres!

„Quatuordecim jam lapsi sunt anni,
 „ex quo, nullo licet meritorum nostro-
 „rum suffragio, placuit Divinæ boni-
 „tati, cui proprium est infirma mundi
 „eligere, humilitatem nostram ad su-
 „premi Apostolatus fastigium evocare.
 „Quantis interea, & quam gravibus
 „ma-